

اِسْتِغْنَا

نومرو ۱۶

بجانبہ

۱ کانون ثانی ۱۳۲۴

بناءً عليه نامردلیکی کوزه آلدیران تجار و صنعتکاران یا قزاقلارینی ذاتاً تحت تأمینہ آتش و بصورتہ کندیلرینی معاملات صناعیہ و تجاریہ نیک جریان معنادندن آز چوق خارجه چیقارہ بیلمش آدلردر . ، یاخود تشبہات صناعیہ و یا تجاریہ دن فنا برنمرہ الہ اتمکده اولمالری حسبیلہ ترک صنعت و تجارتدن بیوک برشی غائب ایتیمه چک کیمسلردر .

ایشته زراعت ، صنعت ، تجارت یعنی جداً و حقیقۃً ملی عد ایدلک ایجاب ایدن بواج مسلک اساسی اربابنک فرانسه پارلمنتوسنه اشتراک ایتیمه لری و قسماً اشتراک ایدنلرکده اوصاف مطلوبه بی حائز اولمالاری اسباب معروضه دن منبعثدر . بوحالده باقالم فرانسه ملتته بومجلس عالیده کیملر وکالت ایدیور . ؟

۱ . م .

(دوام اولنه جقدر)

معاهداتمز

۱۲

فرانسه قایتولا سیونلری

۸

۲ - الیوم مرغی اولان احکام

۱۱۵۳ - ۱۷۴۰ عهدنامه سنک ۲۵ نجی ماده سی فرانسه حکومتنک ممالک عثمانیه زمرله فصل آدلرندن قونسولوس تعیین ایده بیله جکلرینی کوستریبور : « اسکندریه و طرابلس شام و جزایر و سائر برلک اسکهلرنده نصب اولنش قونسولو سارک برینه اول خدمت عهده سنندن کلور بر آدلرین تعیین ایدوب کوندر دکلرنده کسنه مانع اولیمه .

شو ماده بی تحلیل ایلدی کمزده اوچ قید مهم بولورز :

۱ - فرانسه دولتی ممالک عثمانیه دن ماده مذکورده تعداد اولنان بلاد ساحلیه

ایله سائر محللرک فقط اسکهلرینه قونسولوس تعیین ایده بیله جکلر .

۲ - بعدالعهده تعیین اولنه جق قونسلوسلر اولجه « نصب اولنش قونسلوسلرک
یرینه » کوندریله جکلر در، تعبیر دیگرله، مجدداً قونسلوسخانه تأسیس وقونسلوس
اعزام اولنه میه جقدر .

۳ - تعیین اولنه جق قونسلوس ایشنک اری اوله جقدر .
حال بوکه ذکر ایلدیکم ماده عهده قونسلوس تعینی حقی متضمن اولوب
انده کوردیکمز قیود ثلثه مشروحه الحاله هذه کان لم یکندر .
شویله که ۱۲۷۷ - ۱۸۶۱ تاریخی معاهده تجاریه نیک برنجی ماده سنه

باقیدفعزده آتی البیان تمهداتی کورورز [۱]

« عهد قدیمه ایله فرانسه سفاتی تبعه سنه اعطا اولنان حقوق و امتیازات و معافیات
عهد مذکور نیک اشبو مقاوله نامه ایله تعدیل اولنه جق اولان شرائطی [۲] بالاستننا
تصدیق قلنش و برده طرف دولت علیه دن بالجه دول سائر تبعه و سفاتنه الحاله هذه
اعطا اولنان و مستقبلده اعطا اولنه بیله جک کافه حقوق و امتیازات و معافیات فرانسه تبعه
و سفاتننک دخی بحق حائر و نائل اولملری مخصوصاً مقرر بولنشدر . »

سلب ثالث زماننده (۱۲۱۷) عقد ایلدیکمز معاهده نیک ، که بعض احکامی
خوشایینه کیتمز اولدیغندن ناشی فرانسلر طرفندن مفسوخیتی و بزم طرفزدن
دخی معاهدات مؤخره ایله تعدیل اولنان احکامی بالاستننا احکام متبایه اعتباریله
مرعیتی ادعا اولنور ، طقوزنجی ماده سنده :

« دولت علیه و فرانجه جمهوری اشبو عهدنامه ایله بری برینک ممالکنده احب اولان
دولت کبی املق مراد ایتملریله دول سائر تبعه تجویز اولنان و اولنه جق منافعی اشبو
عهدنامه ده مخصوصاً شرط اولنش کبی بررلینه تجویز ایلدکاری ظاهر اولور » دینلشدر .

۱۲۷۷ معاهده سنک برنجی بندی بزدن فرانسه یه علی الاطلاق و ۱۲۱۷
(۱۸۰۲) معاهده سنک سابق الذکر طقوزنجی ماده سی مقابله قیدیه اک زیاده
نائل مساعده مات معامله سی تأمین و تعهد ایدیور . شومعامله نیک امثالی ایسه
مبذولدر نته کم انکلتزه ایله عقد ایش اولدیغمز ۱۰۸۶ معاهده سنک برفقره ننده :

[۱] اولجه ده سولدیکم وجه ایله اشبو معاهده نیک مدتی بیتمش ایسه ده احکامی
فعلاً جاریدر .

[۲] تجارت و کمرک شرائطی

« انكتره ايلچيلرى حلب واسكندريه و طرابلس شام و جزاير تونس و طرابلس غرب و ساقز و زمير و مصر اسكله لرنده و سائر ممالك محروسه قونسولوس تعيين ايدوب و انلرى تبديل ايدوب يرلرينه غير يرلرين نصب ايلمك استكلرنده كسنه مانع اولميه » ديلمشدور .

كرك بواصبادن كرك حقوق دول قواعدندن طولايي فرانسه نك قونسولوس تعييني حق ۱۱۵۳ قاييتولاسيوننك ۲۵ نجى ماده سنده كورنديكي كبي محدود قالمامشدر . فقط بوحق اطلاق نام ايله ده جريان ايتز . بر دولت ديكر بر دولتك ممالكندن برنده قونسولوسخانه آحق ايجون اوراده منافع متعنه مشروعه سي اولق لازم كلير . فرانسه تبعه سي و منافع اقتصاديه سي و بشقه حكومتلك قونسولوسلري اولميان بريره فرانسه قونسولوسى تعييني تكليفى رد ايديه بيليرز . مثلا موسيو قونستانس باب عاليه بر نقرير كوندرك كردستانده بلكه مامورين عثمانيه نك آياق باصمديني ايصسر بر كويه بر جنرال قونسولوس تعيين ايديله جكندن بحث ايله ماموريتك تصديقي ايستسه قبول ائمه يز . بويه بر حالده فرانسه عهداء قاعده برحق ادعا ايدمه ز .

ايكنجى قيدك برنجي به ارتباطي آشكاردر . فرانسلر لزومى ظاهر اولان يره قونسولوس تعيين ايديه بيلنجه تعيين اولنه حق قونسولوسلر همه حال موجودى تبديلا كيتمز لر .

اوچنجى قيدك كنجه ، بر قونسولوس نصب اولنديني ايشك اهلي اولوب اولمديني آرامق بزه دكل دولت متبوعه سنه عائد بر وظيفه در . جاهل و نااهل بولنديني حالده هر نصله تعيين و تصديق اولنش بر قونسولوس شرائط لازمه يي جامع اولماق يوزندن دولت متبوعه سييله حكومت محليه اره سنده كي مناسبانك اختلالنه سبب اولورسه تبديلي ايستنه بيلير ، حق ماموريت براتي استرداد اولنق ممكندر . كذلك بزه غيظ و خصومت آتاري كوسترمش بر آدمي مملكت مزده قونسولوس طائيه بيليرز .

۱۶ نجى ماده فرانسه قونسولوسلرينه خارج از مملكت امتيازى بخش ايمككه

برابر علیه‌الرینه وقوع بوله جی دعاوی ایچون قاعده استثنایه وضع ایدیور :
«تاجرلرینک احوالی ایچون نصب ایلهکاری قونسولسلردن بعض کسینلر دعوی
ایستکارنده کندولرین حبس ایدوب اولرین مه‌ریوب تعدی ایتمهلر وقونسولسریله دعواسی
اولانلرک خصوصی آستانه سعادتمده استماع اولنه.»

بزده قونسولسلر امتیازات و معافیاتجه سفرا پایه‌سنه چیقارلمشدر . ممالک
سأرمده ایسه اودرجه ممتاز دکلردر . فرانسه‌ده اجنبی قونسولسلر دیون تجاریه‌دن
طولانی حبس اولنه بیلمیرلر . انکلتريده هیچ برامتیاز عدیلیرلری یوقدر . آمریقه‌ده
هیأت متحده محاکمه‌لرنده محاکمه ایدیله بیلمیرلر .

ماده‌نک ترکیه متلرنده «قونسولسری‌ایله» دنیلیمسندن دعوی صاحب‌لرینک
فرانسه‌لی اولدقلرینه استدلال ایدیلیر . فرانسه‌ده متلرده ایسه بویله برید یوقدر .
فرانسه قونسولسریله فرانسه تبعه‌سی ارسندنه کی دعوا یه مداخله صلاحیتیز
عهداً مسلوبدر . دیگر دولت تبعه‌سندن ری بر فرانسه قونسولوسی علیه‌نه دعوی
ایتسه اکاده قاریشما مقلغمز عهد ایجاباتندن در . امور جزائی‌ده قونسولسلر محاکمه
اولنه میورلر . دعاوی حقوقیه‌ده مانع اولماق ایجاب ایستدیکی حالده انلرده دخی
قونسولوسی محاکمه یه احضار ویا حکم غیابی نی انفاذ مسأله و مشکلات احداثدن
خالی قالمیورکه بوبابده آتیاً مبحث مخصوصنده تفصیلات ویریله جکدر .

۱۱۵۳ عهدنامه‌سنده قونسولسلره متعلق بر ماده دها واردر :

«فرانجه قونسولسری و فرمانی اولان وکیلاری از قدیم معتاد اوزره ساکن اوله
کلنکاری یرلرده رسم اوزره بیراقلرینی دکنکه ولایه و حکام و ضابطان طرفلردن ممانعت
اولنیه.»

بزده دکل سفارت وقونسولسرخانه‌لر، مؤسسات مذهبییه، خیرییه و مالییه اجنبیه،
عادی دکان و مغازه‌لر و مساکن خصوصیه‌ده یاراق چکیلیر طورور و ممانعت اولنه‌ماز .
قونسولسرخانه‌لرک ایام رسمیه‌ده دولت متبوعه‌لری سنجاغنی کشاد ایتملری عهداً
وقاعده مجاز ایسه‌ده بزده مناسبتلی مناسبتسز اجنبی باراقلری چکمک اودرجه
سوء استعمال اوغرامش و تعمم ایتشدرکه اوکنه کچیله میور .

کله جک مقاله‌مده سفارت وقونسولسرخانه‌لر ترجمانلرینک حقوق عهدیه‌سیله
فرانسزلرک امتیازات عدیله‌لرندن بحث ایده جکم .

ابن الضیا